



TAJUK KHUTBAH JUMAAT
Siri:45 / 2021

REZEKI HALAL MEMBAWA KEBERKATAN

19 November 2021
Bersamaan
14 Rabiul Akhir 1443

DIKELUARKAN OLEH:

**JABATAN HAL EHWAL AGAMA
TERENGGANU**

PERINGATAN:

Adalah diingatkan bahawa **sebarang penambahan dan pemindaan terhadap isi kandungan teks khutbah** yang telah disediakan oleh Jabatan Hal Ehwal Agama Terengganu adalah **DILARANG**.

Khatib yang bertugas hendaklah menyemak kembali **RUKUN, AYAT AL-QURAN dan helaian muka surat yang diterima**. Pastikan **teks dibaca terlebih dahulu** sebelum menyampaikan khutbah.

KHUTBAH PERTAMA

الْحَمْدُ لِلَّهِ الَّذِي أَوْجَبَ عَلَيَّ عِبَادِهِ أَنْ يَطْلُبُوا الْحَلَالَ وَيَتَّعِدُوا عَنِ الْحَرَامِ
أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ. وَأَشْهَدُ أَنَّ مُحَمَّدًا عَبْدُهُ وَرَسُولُهُ
اللَّهُمَّ صَلِّ وَسَلِّمْ عَلَى سَيِّدِنَا مُحَمَّدٍ وَعَلَى آلِهِ وَأَصْحَابِهِ وَمَنْ تَبِعَهُمْ بِإِحْسَانٍ إِلَى يَوْمِ الدِّينِ
أَمَّا بَعْدُ. فَيَا عِبَادَ اللَّهِ، أَوْصِيكُمْ وَإِيَّايَ بِتَقْوَى اللَّهِ وَطَاعَتِهِ لَعَلَّكُمْ تُفْلِحُونَ

Sidang Jumaat Yang Dirahmati Allah,

Marilah sama-sama kita bertaqwa kepada Allah dengan melaksanakan segala titah perintah-Nya dan meninggalkan segala larangan-Nya, Suatu hari ketika Rasulullah saw menyebut kalimah taqwa, baginda mengisyaratkan tangan ke dada sambil bersabda : "التَّقْوَى هَا هُنَا" sebagai menggambarkan bahawa taqwa adalah amalan hati yang perlu dizahirkan oleh orang yang bertaqwa sama ada melalui perlakuan atau perkataan. Orang-orang yang bertaqwa akan mendapat kejayaan di dalam kehidupan dunia dan akhirat. Tajuk khutbah pada hari ini ialah:

Rezeki Halal Membawa Keberkatan.

Sidang Jumaat Yang Dirahmati Allah,

Umat Islam dituntut agar sentiasa mencari keberkatan dalam setiap perkara. Perkataan berkat atau barakah selalunya dikaitkan dengan kebaikan Ilahi yang merupakan kurniaan Allah. Sebagai contoh, kita dianjurkan untuk menyebut lafaz بِسْمِ اللَّهِ الرَّحْمَنِ الرَّحِيمِ setiap kali memulakan pekerjaan kerana mengharapkan keberkatan padanya, demikian juga harta yang disedekahkan dan dizakatkan, masa yang dihabiskan dan umur yang digunakan untuk menuntut ilmu dan beramal ibadat, negara yang makmur dan mendapat keampunan Allah s.w.t,

بَلَدَةٌ طَيِّبَةٌ وَرَبُّ غَفُورٌ , semuanya diharapkan ada limpahan keberkatan padanya.

Demikian juga, setiap rezeki yang diperolehi dengan cara yang baik dan ada keberkatan, ia mencukupi walaupun sedikit. Manakala rezeki yang tidak berkat adalah rezeki yang diperolehi dari sumber dan cara tidak halal. Oleh itu, Islam sangat mengambil berat soal mencari rezeki dan mewajibkan umatnya agar memperolehi rezeki daripada sumber yang halal lagi baik. Firman Allah dalam surah al-Baqarah ayat 172:

يَا أَيُّهَا الَّذِينَ ءَامَنُوا كُلُوا مِن طَيِّبَاتِ مَا رَزَقْنَاكُمْ وَاشْكُرُوا لِلَّهِ إِن كُنتُمْ إِيَّاهُ

تَعْبُدُونَ ﴿١٧٢﴾

Maksudnya : Wahai orang-orang yang beriman, makanlah dari rezeki yang baik-baik yang Kami berikan kepadamu dan bersyukurlah kepada Allah, jika betul kamu hanya beribadat kepada-Nya.

Sidang Jumaat Yang Dirahmati Allah,

Antara tanda keberkatan rezeki, ia bukan sekadar memberi manfaat kepada diri sendiri, malah melimpah manfaatnya kepada orang lain yang memerlukan melalui amalan berwakaf, zakat, sedekah dan sebagainya. Firman Allah dalam surah Az-Zariyat ayat 19:

وَفِي ءَمْوَالِهِمْ حَقٌّ لِّلسَّائِلِ وَالْمَحْرُومِ ﴿١٩﴾

Maksudnya : Dan pada harta-harta mereka, ada hak untuk orang miskin yang meminta dan yang tidak meminta.

Justeru bagi menjamin rezeki yang halal dan ada keberkatan, Islam memastikan supaya sumber perolehan rezeki menepati dengan hukum syarak. Dalam masa yang sama Islam mengharamkan sebarang urusan perolehan yang mempunyai unsur riba, penyelewengan, penipuan, rasuah dan seumpamanya.

Diriwayatkan oleh Abu Hurairah bahawa Rasulullah SAW pernah melalui longgokan makanan yang dijual sambil Baginda memasukkan tangannya ke dalam longgokan makanan tersebut dan mendapati jari-jemari Baginda basah. Lalu Rasulullah SAW bersabda : apakah semua ini wahai pemilik makanan? Lelaki itu menjawab: Makanan ini telah ditimpa hujan wahai Rasulullah SAW. Rasulullah bersabda: Kenapa kamu tidak meletakkan yang basah ini di sebelah atas supaya manusia dapat melihatnya? Sesiapa yang menipu maka dia bukan daripada kalanganku.

Sebagai contoh penyelewengan dan penipuan dalam urusanniaga masakini ialah pelaburan skim cepat kaya. Secara amnya skim pelaburan ini menjanjikan pulangan yang berganda daripada apa yang dilaburkan. Seseorang pelabur boleh melabur seberapa banyak wang yang dikehendaki dan pihak pengurus skim akan membayar balik keuntungan mengikut peratus yang ditetapkan.

Ianya telahpun dibincangkan oleh Muzakarah Jawatankuasa Fatwa Majlis Kebangsaan Bagi Hal Ehwal Ugama Islam Malaysia Kali Ke-69 yang memutuskan bahawa: Hukum pelaburan Skim Cepat Kaya adalah haram kerana ia mengandungi unsur-unsur judi, riba, gharar dan tadhlis dan umat Islam dilarang daripada terlibat dengan skim ini.

Sidang Jumaat yang Dirahmati Allah,

Setiap bidang pekerjaan yang kita ceburi di dunia hari ini sama ada kita berkhidmat dengan kerajaan, swasta atau sebagai peniaga, petani, nelayan, buruh dan sebagainya hendaklah kita pastikan bahawa rezeki yang kita dapatkan itu betul-betul halal dan tidak menyimpang dari landasan hukum Islam yang sebenarnya,

Kesimpulannya usaha dan kurniaan rezeki melalui cara yang halal dan baik akan memberi kesan yang sangat baik kepada kehidupan seseorang, Antara kesan yang baiknya ialah:

- 1) Sentiasa menjadi hamba yang bersyukur dan redha di atas setiap ketentuan Allah.
- 2) Hati semakin dekat dengan Allah dan melaksanakan segala perintah dengan hati yang tenang.
- 3) Mengeluarkan zakat dan gemar bersedekah kepada orang yang memerlukan.
- 4) Mampu menjauhkan dan menghindari bala daripada menghampiri kerana Allah SWT sentiasa melindungi orang yang gemar mencari keberkatan dalam rezeki.
- 5) Doa dan permohonannya sentiasa dimakbulkan oleh Allah.

أَعُوذُ بِاللَّهِ مِنَ الشَّيْطَانِ الرَّجِيمِ

اللَّهُ يَبْسُطُ الرِّزْقَ لِمَنْ يَشَاءُ مِنْ عِبَادِهِ وَيَقْدِرُ لَهُ إِنَّ اللَّهَ بِكُلِّ شَيْءٍ عَلِيمٌ ﴿٦٢﴾

Maksudnya : Allah melapangkan rezeki bagi siapa yang dikehendaki-Nya di antara hamba-hamba-Nya dan Dia (pula) yang menyempitkan baginya.

Sesungguhnya Allah Maha Mengetahui segala sesuatu.

بَارِكْ اللهُ لِي وَلَكُمْ فِي الْقُرْآنِ الْعَظِيمِ.
وَنَفَعَنِي وَإِيَّاكُمْ بِمَا فِيهِ مِنَ الْآيَاتِ وَالذِّكْرِ الْحَكِيمِ.
وَتَقَبَّلَ اللهُ مِنِّي وَمِنْكُمْ تِلَاوَتَهُ إِنَّهُ هُوَ السَّمِيعُ الْعَلِيمُ.
أَقُولُ قَوْلِي هَذَا وَأَسْتَغْفِرُ اللهَ الْعَظِيمَ لِي وَلَكُمْ وَلِسَائِرِ الْمُسْلِمِينَ
وَالْمُسْلِمَاتِ وَالْمُؤْمِنِينَ وَالْمُؤْمِنَاتِ فَاسْتَغْفِرُوهُ إِنَّهُ هُوَ الْغَفُورُ الرَّحِيمُ.

KHUTBAH KEDUA

الْحَمْدُ لِلَّهِ رَبِّ الْعَالَمِينَ. وَأَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ،
وَأَشْهَدُ أَنَّ سَيِّدَنَا مُحَمَّدًا عَبْدُهُ وَرَسُولُهُ. اللَّهُمَّ صَلِّ وَسَلِّمْ وَبَارِكْ عَلَى
سَيِّدِنَا مُحَمَّدٍ، وَعَلَى آلِهِ وَأَصْحَابِهِ أَجْمَعِينَ.
أَمَّا بَعْدُ، فَيَا عِبَادَ اللَّهِ! اتَّقُوا اللَّهَ فَقَدْ فَازَ الْمُتَّقُونَ.

مَعَاشِرَ الْمُسْلِمِينَ رَحِمَكُمُ اللَّهُ،

Marilah juga kita memperbanyak ucapan selawat dan salam kepada Rasulullah SAW sebagaimana firman Allah dalam surah al-Ahzab ayat 56:

إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا الَّذِينَ ءَامَنُوا صَلُّوا عَلَيْهِ وَسَلِّمُوا تَسْلِيمًا



اللَّهُمَّ صَلِّ عَلَى سَيِّدِنَا مُحَمَّدٍ، وَعَلَى آلِ سَيِّدِنَا مُحَمَّدٍ، كَمَا صَلَّيْتَ
عَلَى سَيِّدِنَا إِبْرَاهِيمَ، وَعَلَى آلِ سَيِّدِنَا إِبْرَاهِيمَ، وَبَارِكْ عَلَى سَيِّدِنَا
مُحَمَّدٍ، وَعَلَى آلِ سَيِّدِنَا مُحَمَّدٍ، كَمَا بَارَكْتَ عَلَى سَيِّدِنَا إِبْرَاهِيمَ، وَعَلَى
آلِ سَيِّدِنَا إِبْرَاهِيمَ فِي الْعَالَمِينَ، إِنَّكَ حَمِيدٌ مَجِيدٌ.

اللَّهُمَّ اغْفِرْ لِلْمُؤْمِنِينَ وَالْمُؤْمِنَاتِ، وَالْمُسْلِمِينَ وَالْمُسْلِمَاتِ،
الْأَحْيَاءِ مِنْهُمْ وَالْأَمْوَاتِ، إِنَّكَ سَمِيعٌ قَرِيبٌ مُجِيبُ الدَّعَوَاتِ.

اللَّهُمَّ ادْفَعْ عَنَّا الْبَلَاءَ وَالْوَبَاءَ وَالْفَحْشَاءَ مَا لَا يَصْرِفُهُ غَيْرُكَ.
اللَّهُمَّ إِنَّا نَعُوذُ بِكَ مِنَ الْبَرَصِ وَالْجُنُونِ وَالْجُدَامِ وَمِنْ سَيِّئِ الْأَسْقَامِ.
اللَّهُمَّ اشْفِ مَرْضَانَا وَارْحَمْ مَوْتَانَا، وَالطُّفْ بِنَا فِيمَا نَزَلَ بِنَا.

اللَّهُمَّ احْفَظْ مَوْلَانَا الْوَائِقَ بِاللَّهِ السُّلْطَانَ مِيزَانَ زَيْنِ الْعَابِدِينَ،
ابْنَ الْمَرْحُومِ السُّلْطَانَ مُحَمَّدِ الْمُكْتَفِيِّ بِاللَّهِ شَاهٍ،
وَأَنْزِلِ الرَّحْمَةَ عَلَيْهِ وَعَلَى السُّلْطَانَةِ نُورِ زَاهِرَةَ، سُلْطَانَةَ تَرَغْكَانُو.

وَاحْفَظْ أَوْلَادَهُ وَأَهْلَهُ وَرِعَايَاهُ مِنَ الْمُسْلِمِينَ وَالْمُسْلِمَاتِ فِي الدُّنْيَا
وَالْآخِرَةِ، بِرَحْمَتِكَ يَا أَرْحَمَ الرَّاحِمِينَ.

اللَّهُمَّ احْفَظْ وَلِيَّ الْعَهْدِ تَعَكُّو مُحَمَّدَ إِسْمَاعِيلَ ابْنَ الْوَائِقِ بِاللَّهِ السُّلْطَانَ
مِيزَانَ زَيْنِ الْعَابِدِينَ.

Ya Allah selamatkan kami dan seluruh ummah Islam di mana jua mereka berada. Satukanlah persaudaraan dan perpaduan ummat Islam dengan ikatan yang erat dan kukuh. Mantapkanlah iman kami dan teguhkanlah pegangan kami menurut ahli sunnah wal jamaah, peliharakanlah kami dari amalan dan pegangan aqidah yang menyeleweng.

Ya Allah, bantu dan kasihilah kami dan seluruh ummat Islam dari kesusahan, wabak dan bala bencana. Lenyapkanlah wabak covid 19 dari bumiMu ini Ya Allah.. Ya Rahman.. Ya Rahim..

رَبَّنَا آتِنَا فِي الدُّنْيَا حَسَنَةً وَفِي الآخِرَةِ حَسَنَةً وَقِنَا عَذَابَ النَّارِ.
وَصَلَّى اللهُ عَلَى سَيِّدِنَا مُحَمَّدٍ وَعَلَى آلِهِ وَصَحْبِهِ وَسَلَّمَ.
وَالْحَمْدُ لِلَّهِ رَبِّ الْعَالَمِينَ.

عِبَادَ اللهِ!

أذْكُرُوا اللهَ الْعَظِيمَ يَذْكُرْكُمْ، وَاشْكُرُوهُ عَلَى نِعَمِهِ يَزِدْكُمْ،
وَلَذِكْرُ اللهِ أَكْبَرُ، وَاللهُ يَعْلَمُ مَا تَصْنَعُونَ.

قُومُوا إِلَى صَلَاتِكُمْ، يَرْحَمَكُمُ اللهُ.